



Projet promovût di 'La Vôs dai Furlans' e 'ARLeF'

Lu saveviso che...?

Imagjinait che dentri di noaltris e sedi une scjate invisibile che, planc a planc, si jemple cu lis emozions bielis e mancual bielis che o sintin ogni dì. Cuant che e je masse plene però... ve che nus ven di vâi!



Al sucêt propit a ducj, grancj e fruts: cuant che si è avilîts o se no si sta ben o si è stracs, ma si vai ancje par vè ridût masse o par une robe biele. Lis lagrimis nus judin a sbrocâ lis tantis emozions che o provin e nus fasin tornâ a stâ miôr e a sinfisi plui lizêrs.

Darie e Bete nus insegnin...



Viodìn cun Bete cemût fâ une ruede des emozions, par mostrâ cemût che si sintin ogni dì!

Cjalìn insiem la pontade di Maman! "Lis emozions" su



piture il dissen!



cumò fâs tu!

Daûr di ce che al è scrit sot di ogni frut, dissegne la musute juste.



PÔRE



RABIE




LIGRIE



AVILIZION

Dilu in plui lenghis!



VAÎ



PIANGERE



TO CRY

LES IMAGES A SON GIMMIS FÛRDI HTTPS://ITEREPEK.COM - HTTPS://PKABAY.COM - HTTPS://ARLEF.IT

Pagine curade dal Sportel Regionâl pe Lenghe Furlane de



Vuelistu tornâ a viodi lis pontadis di Maman!? Cirilis su



ANCJE 'ON DEMAND' SU telefriuli

Cjale lis gnovis pontadis su telefriuli

Vinars aes 18.30 e in repliche domenie aes 7.00 e aes 13.00

STELIS E LUSIGNIS Noa



**Roc.** Lis stelis no ti judin e dentri di te ti fasin ingrumâ une vore di pinsîrs bruts.



**Gjambar.** Sta plui dongje a fradis e amis parcè, che a podassin dâti il consei just.



**Belance.** In amôr tu stâs une vore ben cun chei che tu âs dongje. Chest ti fâs vivi in ligrie.



**Bec di mont.** La int par denant ti riduce e par daûr e fevele mâl di te, no stâ a cjapâte e mostre di jessi plui fuart di ducj.



**Taur.** Lis stelis no ti judin e dentri di te ti fasin ingrumâ une vore di pinsîrs bruts.



**Leon.** Il cjâf al svole indaûr tal timp, tu ti impensis di personis che no tu viodis di un pieç; e je ore di clamâlis.



**Sgarpion.** Tu stâs frontant cuistions une vore griviis in famee, no stâ a imponi masse il to volê.



**Agarûl.** Viôt di vè plui cure dal to cuarp. Tal lavôr sclarissiti cui coleghis suntune cuistion che e je restade ingropade.



**Zimui.** Tu âs miôr no fevelâ cun chei altrîs dai tiei problemis, no je la strade plui comude.



**Vergjine.** Tal lavôr tu rivis a meti in pratiche lis tôs cognossincis e i coleghis ti disin graciis.



**Sagjitari.** No stâ a cirî lusignis e reste cui pîts par tiere, come che tu âs za fat timp indaûr.



**Pes.** Tal lavôr tu stâs frontant cuistions imberdeadis, ma tal amôr e je dute une altre musiche.